



Pensioninut tunngatillugu 1. januar 1995-imi angissuserititat isertitanullu killiliussat pillugit kaajallaasitaq.

Pensionit utoqqarnullu angerlarsimaffiit il.il. pillugit Inatsisartut peqqussutaat nr. 8, 22. oktober 1990-imeersoq, kingusinnerusukkut allannguutai ilanngullugit, naapertorlugu aalajangersarneqarput:

§ 1. Pensioninut tunngatillugu angissuserititat isertitanullu killiliussat peqqussummi § 11 naapertorlugu Isumaginninnermut Suliffeqarnermullu Pisortaqarfiup kaajallaasitaani nr. 205-imi aalajangersarneqarsimasut qaammaatisiutit ukiuanni 1995-imi suli atuutissapput.

§ 2. Saniatigut isertitat naatsorsorneqartarnerat eqqarsaatigalugu makku aalajangersarneqarput:

Siusinnerusukkut isertitat akileraaruteqaataasussat tunngavigalugit pensionisiat tunngaviusumik aningaasartaat naatsorsorneqassatillugit:

1993-imi akileraaruteqaataasussamik isertitat	kr.
- pensionit 1993-imi tunniunneqartut (ilanngaattissat ilanngaatiginagit)	kr. _____
Pensionit 1995-imut naatsorsorneqarneranni tunngavissaq 1)	kr. _____

1) Pensionit tunngaviusumik aningaasartaat kaajallaasitap 205-ip tabelitaanni naatsorsuinermi tunngavissat (saniatigut isertitat) amerlassusiisa nalaanni takunegarsinnaapput. Kisitsit minusiuppat tunngaviusumik aningaasartat tamakkiisut tamatigut tunniunneqartassapput.

**Massakkut isertitat (isertitassatut naatsorsuutiginegartut) tunngavigalugit pensionisiat tunngaviusumik aningaasartaat naatsorsorneqassatillugit:**

A-tut isertitarissangasat,  
 taamaattorli pensionit ilanngunnagit kr.  
 + B-tut isertitarissangasat 1) kr.  
 - B-tut isertitat akileraarusigas-  
 saanngitsut ilanngaait 2) kr.  
 - nalinginnaasumik imalt.  
 akileraarusiinermi ilanngaat kr. \_\_\_\_\_  
 Pensionit 1995-imut naatsorsorneqar-  
 neranni tunngavissaq 3) kr. \_\_\_\_\_

1) Massakkut kisermaanut 5.000,- kr., aappariinnullu 10.000 kr. Aningaasat taakkunannga ikinneruppata 0,- kr. allanneqassaaq.

2) B-tut isertitarissangasat 5.000/10.000,- kr.-init ikinneruppata 0 kr. allanneqassaaq.

3) Tamatuma kingorna pensionit tunngaviusumik aningaasartaat kaajallaasitap 205-ip tabelitaanni naatsorsuinermi tunngavissat (saniatigut isertitat) amerlassusiisa nalaanni takunegarsinnaapput. Kisitsit minusiuppat tunngaviusumik aningaasartat tamakkiisut tamatigut tunniunneqartassapput.

Isumaginninnermut Suliffeqarnermullu Pisortaqarfik, 30. november 1994.

  
 Nukakuluk Kreutzman /

  
 Jakob D. Schmidt